

From: UUM CORPORATE COMM.
Sent: Thursday, 19 December, 2019 8:26 AM
To: UUM - All Staff; UUM - All Students
Subject: Town Hall Bincang Permasalahan Dan Hala Tuju Institusi Zakat Dalam Era Teknologi



UUM Corporate Comm.
Universiti Utara Malaysia

19 DISEMBER 2019 / 22 RABIULAKHIR 1441H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nordiana Shafiee
Gambar oleh: SMMTC

TOWN HALL BINCANG PERMASALAHAN DAN HALA TUJU INSTITUSI ZAKAT DALAM ERA TEKNOLOGI



UUM ONLINE: Dalam usaha mendedahkan tentang kepentingan pengurusan kewangan Islam dan zakat seiring dengan perkembangan dunia teknologi yang semakin pesat, Advanced Communication Research Unit (ACRU), SMMTC telah menganjurkan Town Hall Hala Tuju Geran Penyelidikan dan Perundingan Zakat Kedah di Dewan Seminar A, SMMTC, kelmarin.

Program anjuran bersama Institut Penyelidikan dan Inovasi Zakat (IPIZ), Lembaga Zakat Negeri Kedah (LZNK) dan Etiqa Takaful itu adalah untuk membincangkan dengan lebih mendalam tentang permasalahan dan hala tuju penyelidikan berkaitan zakat khususnya.

Dekan SMMTC, Prof. Madya Dr. Mohd Sobhi Ishak berkata, sesi 'town hall' ini adalah platform kepada penyelidik dan pensyarah UUM untuk menyumbang idea bagi tempoh jangka panjang dan mengetahui hala tuju institusi zakat.

Menurutnya, ia juga adalah wadah untuk asas memberi lontaran idea, bersoal jawab dan kemukakan persoalan berkaitan zakat yang perlu dilihat dalam prospek baharu.

"Selain itu, ia juga peluang untuk mendapatkan geran penyelidikan dan perundingan zakat, selain membincangkan isu semasa dan memperolehi info baru tentang agihan dan kutipan zakat.

"Saya berharap sesi ini akan memberi peluang kepada institusi dan penyelidik di UUM untuk memahami keperluan sebenar institusi terlibat," katanya.

Pada sesi 'town hall' selama dua jam itu, audiens diberikan penerangan tentang institusi zakat, permasalahan dan hala tuju zakat yang disampaikan Ketua Pegawai Eksekutif LZNK, Syeikh Zakaria Othman dan pengulas, Dr. Mohamed Hadi Abd Hamid dari Etiqa Family Takaful Berhad & Etiqa General Takaful Berhad.

Syeikh Zakaria berkata, program itu juga membolehkan warga UUM berkongsi idea dan padangan dalam membangunkan asnaf di Negeri Kedah khususnya serta dapat menjawab isu-isu semasa mengenai peranan zakat dalam mencapai kemuncak kegemilangan umat Islam.

Selain itu, menurutnya, UUM sebagai rakan strategik juga akan membantu dalam penyelidikan zakat melibatkan semua prospektif seperti pengurusan, teknologi informasi dan perakaunan.

"Saya berharap ia akan menjadi perintis bagi institusi zakat lain dan LZNK dan UUM menjadi contoh dan rujukan dalam bidang zakat kepada negara Islam lain di seluruh dunia," katanya yang telah bersetuju menyumbang RM5,000 kepada semua pusat pengajian di UUM yang terlibat dalam Program 1 Pusat Pengajian, 1 Daerah (1PP1D).

Pada masa sama, turut diadakan penyerahan replika cek Wakalah Agihan Zakat UUM sebanyak RM1.3 juta, diikuti penyerahan geran penyelidikan berjumlah RM122,470 dan biasiswa Etiqa Takaful kepada pelajar UUM berjumlah RM98,400.



 Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.